

Oqaluuserisassanut nassuiaat.

(Inatsisartut Siulittaasuat)

Siunnersuuteqartoq siunnersuutimi immikkoortutut 60-imik normullip kinguartinneqarnissaanik qinnuteqarpoq. Immikkoortup 60-ip oqaluuserineqarnissaa apriilip ulluisa 30-annut kinguartinneqarpoq. Immikkoortoq ullumi oqaluuserineqartussaagaluarpoq.

Immikkoortup 60-ip qulequtaraa: Isumaginninnermi, ilinniartitaarnermi peqqinnissamillu isumaginnittoqarfiit silassorissuusuaq atorlugu sullissisinnaanerannut Inatsisartut isumaat takorluugaallu pillugit apeqquteqaat aallaavigalugu oqallisissiaq.

Immikkoortup 28-ip aappassaaneerineqarnissaata kinguartinneqarnissaanik Inatsisartut Ataatsimiititaliaq qinnuteqarpoq.

Immikkoortoq 28 maanna ulloq 16. maj aappassaaniigassanngortinneqarpoq.

Immikkoortup 28-ip qulequtaraa: Kalaallit Nunaanni eqqartuussisarnermik inatsisip aamma pisortat ingerlatsinerat pillugu inatsisip allanngortinneqarneri pillugit inatsisissatut siunnersuutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffisassaattut siunnersuut (Allagaatinik takunnissinnaatitaaneq, pinerluttulerineq pillugu inatsiseqartitsineranut atatillugu inuup kiffaanngissusianut pinngitsaaliilluni akuliunnerit aallartinneqarnerat, ilisimannittut kinaassusaasa isertuunneqarnerat aamma digitaliusumik nalunaarutiginninneq aamma piuminarsakkamik digitaliusumik nalunaarutiginninneq)

Uku akornanni taasisarnerit pillugit isumaqatigiissuteqartoqarpoq:

Mariane Paviasen, Inuit Ataqtigiit aamma Siverth K. Heilmann, Atassut Anders Olsen, Siumut aamma Anna Wangenheim, Demokraatit.